

Koalicioni ndërkombëtar i udhëhequr nga SHBA-të ka vënë në shënjestër bazën e Lëvizjes Ahraru Sham, e cila është një nga komponentët më të mëdhenj të Frontit Islamik në Siri. Nga sulmi i fundit ndaj tyre njoftohet se u vranë 2 anëtarë të lëvizjes.

Xhihad esh-Shami, anëtar i Zyrës së Shtypit të Lëvizjes Ahraru Sham duke folur për gazetarët theksoi se forcat e koalicionit të udhëhequra nga SHBA-të kanë ndërmarrë sulme ajrore ndaj një baze që i përket lëvizjes në fshatin Babiska të Idlibit.

- "Ne jemi duke u përpjekur për të mbrojtur civilët"

Shami ka theksuar se gjatë sulmeve me 8 raketa kanë humbur jetën 2 anëtarë të lëvizjes Ahraru Sham dhe baza që ishte objektiv është shembur plotësisht. Shami gjithashtu ka shprehur se do të zbrazim disa baza që ndodhen afër vendbanimeve të civilëve me qëllimin për të mbrojtur civilët nga bombardimet e SHBA-së.

Struktura bazë e Frontit Islamik edhe grupi i komponentëve të formimit të strukturës nuk janë përfshirë në listën e organizatave terroriste të SHBA-së apo Kombeve të Bashkuara.

- Sulm me bombë fuçi në Rastan

Në anën tjetër regjimi sirian vazhdon sulmet në zonat e kontrolluara nga opozitarët. Në sulmet e ndërmarra me bombë fuçi në rajonin Rastan të Humusit është plagosur një grua që ndodhej pranë vendngjarjes dhe u shembën disa shtëpi të civilëve.

Komiteti i koordinimit lokal të Sirisë kishte njoftuar se avionët e forcave të koalicionit kishin ndërmarrë sulme ajrore ndaj bazës dhe depove të municionit të Fronti Nusra në Harm të Idlibit.

Edhe Mustafa Ebu Latif një prej aktivistëve lokalë në rajon ka deklaruar se gjatë sulmeve ndaj depos së municioneve të Frontit Nusra në Harm, si pasojë e shpërthimeve humbën jetën 4 fëmijë, një numër i madh njerëzish u plagosën dhe shumë vendbanime u dëmtuan.